

جریدہ علمیہ

مشخت جلیلہ اسلامیہ نمک جریدہ رسیہ سیدر

ربیع الآخر ۱۳۴۳

عدد: ۱۰

آیدہ بر نشر اول نور

ایکونجی سنہ

اصول محاکمه شرعیه به متعلق احکام نظامیه صورتیدر (*)

[تقویم وقایع ایله نشر واعلامی : ۶ ربیع الاخر ۱۳۳۲ ۸ شباط ۱۳۳۰ - نومرو ۲۰۹۰]

ماده : ۱. بر دعوانك اثنای رؤیتده كرك خصمك طلیله و كرك بلا طلب كندوسنه یمین توجه ایدن كسه دعوائی رؤیت ایدن قاضینك دائره قضاسی خارخنده بولندیقی تقدیرده قاضی شكل و صورت یمینی مبین مغنون و مرسوم و ذاتنه و محكمه به مخصوص مهرلر ایله مختوم بر مکتوب ایله او كسه نك بولندیقی بیده قاضینی انابه به مأذوندر . خصمك حضوریه اجراسی مشروط یمینك حین اعطاسنده حاضر بولنق اوزره طالب تحلیفك توکیل ایله جکی ذاتك اسم و هویتی اشو مکتوبده تصریح اولنور . خصمك تكلیف اولسان یمینی ادا ویا امتناع ایتدیکنه دائر قاضی مکتوب ایله جانبندن ارسالی مقتضی جوابنامه دخی مغنون و مرسوم و ذاتنه و محكمه به مخصوص مهرلر ایله مختوم اوله رق تنظیم ایدیلور .

(*) اصول محاکمه شرعیه به متعلق اخیراً توارخ مختلفه ده نشر اولنان مواد نظامیه تسهیل تنبع مقصدیه تکرار درج اولنور :

« ۲۱ جادی الاولی سنه ۱۳۳۲ و ۴ نیسان سنه ۱۳۳۰ تاریخی تقویم وقایع ایله اعلان اولنان ۱۷ جادی الاولی سنه ۱۳۳۲ تاریخی ماده منفرده نظامیه صورتیدر »

محاکم شرعیه ده بردن زیاده دعوتیه تبلی و محاکمه غایبه ده وکیل مسخر تعینی اصولی ملاندر . اشو ماده نظامیه تاریخ نشرندن اعتباراً معتبردر . اشو ماده نظامیه نك اجراسنه شیخ الاسلام مأموردر .

* *

« ۱۱ جادی الاخره سنه ۱۳۳۲ و ۲۴ نیسان سنه ۱۳۳۰ تاریخی تقویم وقایع جریده رسمیه سیله نشر اولنان ۸ جادی الاخره سنه ۱۳۳۲ و ۲۱ نیسان سنه ۱۳۳۰ تاریخی مواد نظامیه صورتیدر »

برنجی ماده : حضور هاگندن بشقه بر محامده وقوع بولش اولدینی در میان اولنان اقرارك شهود ایله اثباتی ادعاسی صحت وقومی حقنده دلائل و امارات قویه موجود اولمادجه مسموع اولماز .

ایکنجی ماده : مصارف محاکمه و اعلام خرجی دعواده حقسز چیقان طرفه عائددر . شو قدركه دعوانك بر قسمنده مدعی و دیگر قسمنده مدعی علیه حقسز چیقدینی تقدیرده مصارف محاکمه و خرج اعلامندن محكوم به مقداری مدعی علیه تحمیل اولنور . ماعداسی مدعی به راجع اولور . اوچنجی ماده : محكمه شرعیه دن وقوع بولان دعوته اجابت ایتیانلر حقنده محاکمه غایبه اجرا اولنور و صادر اولان اعلام غایبی علیه تاریخ تبلیغندن اعتباراً اون کون ظرفنده حکمی ویرن محكمه به اسباب دفع و جرحی محتوی استدعا تقدیم اولنق صورتیه اعتراض علی الحکم اوله بیلور . بدم تبلیغ داخل حباب ایدلیه جك اولان اشو مدتہ معترضك بولندیقی محل ایله حکمی اعطا ایدن محكمه آره سندہ کی مسافه نك بهر آلتی ساعتی ایچون برکون ضم اولنور .

ماده : ۲ خصم جعلی مواجهه سند نسب و وراثت دعوالرینی استماعدن حکام ممنوعدر .

ماده : ۳ مهل تمیزك انقضاسندن مقدم تمیز دعوی ایتمکسزین وفات ایدن محکوم علیهك وارثی مجدداً وقوعی مقتضی تبلیغ تاریخندن بدء یکرمی کون ظرفنده تمیز دعوی اید بیلور . شوقدرکه ورثه میاننده قاصر بولندیقی تقدیرده حکمك قاصره تعلق ایدن قسمك مرعیتی فامرین و اوقاف علیه صدر ایدن حکملرایله طلاق ونکاح وقصاصه متعلق احکامده اولدیغی مثللو تمیزاً تصدیقه متوقفدر .

ماده : ۴ اشبو نظامنامه تاریخ نثرندن اعتباراً مرعیدر .

ماده : ۵ اشبو نظامنامهك اجرای احکامنه مقام مشیخت مأمورددر .

دردنجی ماده : مدتی ظرفنده ویرلیان اعتراض عرضحالری رد اولنه رق اعلام غیابی کرک بوصورتده وکرک مدتی ظرفنده ویریلوبده معترضك دعوته عدم اجابتی ویا درمیان ایلدیکی دفعك عدم ورود ویا عدم ثبوتی حالنده وجاهی حکمنی آکیر ولزوم تنفیذی ظهرینه مقتضی اعلامی شکلنده یازیلور .

بشنجی ماده : وجاهاً صدور ایدن ویا غیاباً صادر اولوب ماده سابقه حکمنجه وجاهی حالی اکتساب ایلان اعلامات وحجج شرعیه ریخ تبلیغندن بدء یکرمی کون ظرفنده تمیز اولنه بیلور . بوبابده کی استدعا حکمی ویرن محکمه یه اعطا اولنه جفی کبی طوغریدن طوغری یه فتواخانه عالی یه ده تقدیم اولنه بیلور . شوقدرکه قابل اعتراض اوله رق صدور ایدن اعلام ممیز بهك ظهرنده محلی محکمه نك مهل معین ظرفنده علیه اعتراض وقوع بولامش اولدیغنه دائر مشروحاتی بولنلق لازم کلیر .

التنجی ماده : بشنجی ماده وجهله تمیزی استدعا اولنان اعلامات ووثائق شرعیه صورتلریله برابر ضبط دعوی واعلام ووثائقده محکی اعلامات ووثائقك مصدق صورتلری برابر اولدیغی حالده قاضی طرفندن طوغریدن طوغری یه فتواخانه عالی یه مارة کوندریلیر .

یدنجی ماده : اعلامات ووثائق شرعیه قاضی یه ومحکمه یه مخصوص مهر ایله تختیم ایدلدهده مرعی ومعتبردر .

سکزنجی ماده : اعلامات ووثائق شرعیه نك حق تمیزی علیه صدر اولان طرفه عائددر . لهنه صدر اولان جانبك حق تمیزی یوقدر .

حقوقزنجی ماده : اشبو مواد نظامیه تاریخ نثرندن اعتباراً مرعیدر .

اشبو نظامنامه لایحه سنك موقع مرعیه وضعی و نظامات دوله علاوه سنی اراده
ایلدیم . ۳ ربیع الاخر ۱۳۳۳ ۵ شباط ۱۳۳۰

محمد رشاد

حربیه ناظری و بحریه ناظری و کیلی شیخ الاسلام و قاف هایون ناظری صدراعظم و خارجیه ناظری
انور خیری محمد سعید
نافعه ناظری عدلیه ناظری و شورای دولت رئیس و کیلی داخلیه ناظری و مالیه ناظر و کیلی
عاس ابراهیم طلعت
تجارت و زراعت ناظری معارف ناظری و پوسته و تلغراف و تلفون ناظر و کیلی
احمد نسیمی احمد شکری

*
* *

« ماده لره عائد توضیحات »

حق قضائک مکان ایله تقیدی اساسی قبول ایدلش اولسنه کوره دائره قضای خارجی حنده کی
حادثاتی کیدوب استماع ایدمه جهك اولان بر بلده قاضیسی او حادثه نك وقوع بولدینی محل حاکمی ده
انابهیه صالح اوله میوب حالبوکه اکثریا قاضیلرک دائره قضالری داخلنده کی حادثاته متعلق استماع ایلدکری
دعاویده دیگر بلده لرده مقیم ذواته یمن توجه ایتمکده و یمینده نیابت جاری اوله مامسندن ناشی
وکیللرینک وجودی کندولرندن استغنا حصوله کثیره میه جهك اولان علاقه دارلرک محال بعیده دن جلی
مشقی داعی اولدینی کی بده یمن ایتمک حق محفوظ اولق اوزره کیفیتک قراره و بطی ایسه باب
محاکمه نك تکرار کشادینی مؤدی اولق اعتباریله محذوردن غیر خالی کورلمکده اولسنه و قضائک
بروجه مشروح مکان ایله تقیدی اراده سنیه حضرت خلافتناهی به مبتنی اولدینی جهتله امیر المؤمنین
حضرتلری جانبندن بر قاضی دیگر بلده ده رؤیت اولنه حق خصوصاتدن بعضیلری حنده او بلده
قاضیسی انابهیه مأذون بیورلدینی تقدیرده اشبو خصوصات ایچون مکاناً تقید کیفیت برطرف اوله رق
حل قضایاده باعث یسر و سهولت اوله جنی درکار بولنسنه بناء برنجی ماده بو دائره ده مأذونیتی
متضمن شکلده ترتیب قلنمش و شو قدرکه خصمک طلبی ایله تکلیف اولنه حق یمنک معتبر اولسی
حین اجراده او خصمک بالذات و لا وکیلنک حضوریله مشروط اولوب تحلیفه طالب اولان طرفک
حاکم مکتوب الیه جانبندن یمن ویریله جکی ائشاده حاضر بولنق اوزره توکیل ایله جکی معین ذاتک
اسم و هویتی حاکم کاتبک مکتوبنده تصریح اولندینی تقدیرده اشبو مقصد دخی تأمین ایدلش
اوله جغندن مادهیه بوکا دائر بر فقره مخصوصه علاوه اولندینی کی مکتوب ایله جوابشک مبنای
معامله اتخاذا ایچون حائر بولنملری ایجاب ایدن شروطی مبین قیود لازمه ده آبریمجه اشوات
و تصریح ایدلشدر .

ثبوت وراثته دائر محاکم شرعیه دن صدور ایدن اعلامات علی الاکثر خصم حقیقی بی اضراً
جعلی برطاقم خصما حضوریله اجرا قلنمش محاکمه لر نتیجه سنده تنظیم قلنمده و محاکم شرعیه نك حائر
بولندینی علویه غیر متناسب و حتی نزاهت معاملات حنده داعی شوائب اولان شواصول علاقه دارلرک
امر و اتعه معروضیت صورتیه ضرردیده اوللرینه سببیت ویرمکده اولوب حالبوکه مجله جلیله نك
۱۷۲۹ نجی ماده سنده دخی بیان اولندینی وجهله دهوی و حکمک صحتده خصوصت شرعیه نك هم

ظاهرده وهمده نفس الامرده تحققی مشروط ونه کیم بعض فقها دن نفس الامرده خصوصت بولنفسزین مجرد خصوصت ظاهرده مبنی اوله رق ویریلان حکمک عدم نفاذی و بو بولده کی دعاوی نک ممنوعیت استماعی ایله حکمه ربطنک عدم جوازی صراحة منقول بولمنه و اساساً وراثته متعلق مدعیات مسئلهده دیگر بر وارثک موجودیت وفقدانی اعتباریله ایکی احتمال دن خالی قاله میوب وارثک موجودیتی حالنده انک خصم اتخاذی طبیعی وفقدانی تقدیرنده خصوصتک سلسله وراثته داخل بولنان بیت المالیه توجهی ضروری کورلمنه بناءً ثبوت نسب و وراثته متعلق دعاویده « خصم جعلی حضوریله دعوانک ممنوعیت استماعی » نقلی ناسه ارفق ومصلحت عصره اوفق تلقی ایدلش اولدیفندن ایکنجی ماده بواساسی متضمن بولمشدر .

اطلاعات شرعیه نک تمیز واستینافی حقنده کی ۲۲ محرم سنه ۱۳۰۰ تاریخلی تعلیمات سنیه نک برنجی بندنده معین اولان اوج آی . مهل تمیز اخیراً اصول محاکمه شرعیه دایر نشر اولنان ۸ جمادی الاخره سنه ۱۳۳۲ تاریخلی نظامنامه نک بشنجی ماده سیه یکریمی کونه تنزیل ایدیلوب حالبوکه بعضاً تبیینی متعاقب محکوم علیه لک وفاتی اوزرینه ورثه نک ایام متباقیه قلیله طرفنده کیفیت دن خبردار اوله رق تعقیب مسئلهیه مساعی لری مشکل وبالنتیجه شوحال اضاعه حقوقی مؤدی اوله جفندن احوال مماثلده تبلیغک ورثهیه یکیدن اجراسیه تنزیل وتقلیل مدت صورتیله محکوم لیه قارشی کوستریلان سهولت مثللو محکوم علیه ورثه سی حقندهده تاریخ تبلیغدن بدء یکریمی کون مدت قبولی تعقیب اولنان اساس تیسیرایله متناظر اوله جنی درکار وشوقدرکه ورثه میاننده قاصر بولندینی تقدیرده قاصرک دخی شو قیده تابعیتی جای قائل کوریلوب چونکه نکاح وطلاق وقصاصه متعلق احکام ایله سالف الذکر تعلیمات سنیه نک اوچنجی بندنده محرر اولدینی وجهله قاصرین و اوقاف علیه صدور ایدن حکمک اجراسی بهمه حال تمیزاً تصدیقه توقف ایده جکنه کوره مدته تابع اولمالری قضیه سی بونلردن قصاص وطلاق ونکاحده تلافی سی غیر قابل نتائج تحدشی و اوقاف وقاصرینده اولیا و اوصیا ومتولیلرک بعضاً خصماً ایله بالاثلاف مدتلری کچیره رک لایتغیر حالی اکتساب ایله لازم التنفیذ بر شکل آلمنه سببیت ویره جکری احکامک مصلحت دن عاری بولنق اعتباریله نفاذینک احکام اصلیه ایله تعارضنی بر طرف ایتک کی معالجه مبنی اولوب سالف الذکر وارث قاصرکده اشومصلحتک دائره شمولندن خارج طویله میه جنی امر آشکار اولقله اوچنجی ماده بورالری نظره آلنه رق تنظیم اولمنش و وارث قاصره تعلق ایدن حکمک قاصرین سائرده اولدینی مثللو رأساً تابع تمیز عدیله مدت ایله تقیید اساسندن استثناسی موافق کورلمشدر .

*
* *

« قوانین موجوددهده عهد عتیقهیه مستند احکامک لغوینه دایر قانون صورتیدر »

ماده : ۱ ۲۶ اغستوس سنه ۱۳۳۰ تاریخلی اراده سنیه احکامی موجبجه قاپیتولاسیونلرک ملخی اولدینی ۱۸ ایلول سنه ۱۳۳۰ تاریخندن اعتباراً بالعموم قوانین ونظامات دولت علیهده عهد عتیقهیه مستند اوله رق استثناء مندرج بولنان احکام مفسوخدر .

ماده : ۲ اشو قانونک اجرای احکامه هیئت وکلا مأموردر .

اشبو لایحه نك مجلس عمومینك كشاندند قانونیتی تكلیف اولنق اوزره موقداً موقع
مرعیه وضعی وقوانین دوله علاوه سنی اراده ایلدم .

۲۴ ذی القعدة سنه ۱۳۳۲ و ۲ تشرین اول سنه ۱۳۳۰

محمد رشید

حریبه ناظری	شیخ الاسلام و اوقاف مایون ناظری	صدر اعظم و خارجیہ ناظری
انور	خیری	محمد سعید
مالیہ ناظری	بحریہ ناظری	عدلیہ ناظری و شورای دولت رئیس وکیل
جاوید	احمد جمال	داخیہ ناظری
		طلعت
پوست و تلفراف و تلفون ناظری	معارف ناظری	تجارت و زراعت ناظری
اوسقان	احمد شکری	نافه ناظری
		عمو
		سلیمان البستانی

قواخانه عالی مک مقررات نقضیه سی

ارث :

✓ . اقرای حکم شدن ویریلن اعلامك اسباب نقضیه سی .

اولاً ، مدعا به اولان اموال ، نه دن عبارت اولدینی تعداد و توصیف ایدلماش
و بناء علیه مدعا به مجهول قالمشدر . مجله نك ۱۶۱۹ نجی ماده سی موجبجه مدعا بهك
معلوماتی صحت دعواده شرطدر .

ثانیاً مدعی علیهما وکیللری وکلترینك دعوای واقعیه شمولی کوسترلماش و بناء علیه
تشکیل طرفین ایدلدیکی اکلاشلماشدر .

ثالثاً ، مدعی علیهما مدعینك موروث اموالی آلهرق ابرای عام ایله ابرا ایتدکلرینی
دفعاً سویلشلر ایسه ده آلدقلمشدر ادعا قلنان اموال ؛ اموال مدعی بهامیدر ، ونه کبی
شیلردر تفصیل وایضاح ایتدیرلماش و بناء علیه آلمش اولدیغه دائر اولان دفع دعوی
تصریح اولنلماشدر . دعواده مدعی بهك معلوماتی شرط اولدینی کبی دفع دخی دعوی
اولدیغدن بونك دخی معلوماتی شرطدر .

رابعاً ، مدعی علیهما نك مذکور دفعلمش مدعا بهك اقرارینی متضمن اولمادیغنه
کوره مدعینك دعواسی اسباب ثبوتیه دن عاری ایکن حکم ایدلماشدر .

خامساً ، مدعیه دفع دعوی ایچون محکمه یه جلب ایدلش ایسه ده ذاتی تعریف
ایتدیرلماشدر .